

France le roy Charles 6, par les festes de Pentecoste, la petite menue populace de Lyon, comme gaigne-deniers, bouchiers, bateliers, et autres menuz artizantz, de leur naturel faciles à se mutiner, incitez par quelques boute-feux qui vouloyent tout gouverner, se mettants par troupes armez et embastonnez, selon le temps et la qualité des personnes, commencèrent à s'esleuer contre les bons bourgeois de la ville, lesquels peur éviter la fureur de ceste hydre à plusieurs têtes de peuple, furent contraints de se sauuer et se fortifier dans les tours de la ville et les clochiers des églises, et laisser ceste populace (qui ne faisoit compte du magistrat ny de la iustice) iecter son feu et aller par la ville, criants tout haut : que les bourgeois et marchands notables de la ville avoient assez gouverné, et qu'ils vouloyent à leur tour auoir le maniemment des affaires publics du Consulat et de la garde de la ville : sinon qu'ils massacreroyent lesdits bourgeois et marchands, et mettroient le feu dans la ville. Que bien qu'ils fussent pauvres, ils festoyent néanmoins aussi capables du gouvernement que les riches. Et si quelqu'un se mettoit en deuoir de leur remonstrer, ils se mettoient apres pour les battre et excéder. Et quand on leur disoit que le roy ne trouueroit pas bons leurs deportements, ils repondoient comme fit ce Caluiniomanite és troubles de l'an 1562... qu'ils estoyent du boys d'où l'on faisoit les roys. Ou bien comme ce galand qui voulut troubler la solennité de la Feste-Dieu, en l'an 1565 : qu'ils ne soucyoient de Roy ni de Roc. Bref ces mutins trenchoyent des Roys, et faisant les cheuaux eschappez vouloyent tout à leur mode *sic volo, sic iubeo*. Or le Roy aduertiy de ce desordre enuoya son preuost d'hostel à Lyon, avec bonne et forte garnison, lequel fit brancher et passer par le pendant tout autant qu'il rencontra de ceste vermine coupable de ceste sedition (1). Le reste se sauua

(1) « ... Il en fut prins iusques à dix ou plus, des chiefs ou constituteurs de la rebeine qui eurent les testes tranchees, lesquelles furent fichees sus